



顏魯公文集序



劉敞



魯公極忠不避難臨難不違義是其塵垢
糠粃猶祇飾而誦習之將以勸事君况其
所自造之文乎然魯公沒且三百年未有
祖述其書者其在舊史施之行事蓋僅有
存焉而雜出傳記流於簡牘則百而一二
銘載功業藏於山川則十而一二非好學

不倦周流天下則不能徧知而盡見彼簡牘者有盡而山川者有壞不幸而不傳則又至於千萬而一二未可知也吳興沈侯哀魯公之忠而又佳其文懼久而有不傳與雖傳而不廣也於是採掇遺逸輯而編之得詩賦銘記凡若干篇爲十五卷學者可觀焉蓋君子多見則守之以約沈侯好學喜聚書聚書至三萬卷若是多矣然猶常汲汲如不足者至其集魯公之文使必傳於天下必信於後世可謂守之以約而尚友者乎予是以序其意

顏魯公文集

卷之一

奏議

請復七聖號謚狀

論元皇帝祧遷狀

廟享議

論百官論事疏

朝會有故去樂議

卷之二

表上 并批答

皇帝即位賀上皇表

讓憲部尚書表

謝兼御史大夫表



馮翊太守謝上表

蒲州刺史謝上表

謝浙西節度使表

謝戶部侍郎表

謝吏部侍郎表

謝荊南節度使表

卷之二

表下 并批卷

謝贈官表

乞御書天下放生池碑額表

卷之四

碑

放生池碑銘 并序

妙善寺碑

宋開府碑

李臨淮碑

卷之五

碑

郭祕丞碑銘 并序

臧尚書碑銘

臧氏糾宗碑銘 并序

元次山表墓碑銘 并序

卷之六

碑

康金吾碑

李司空碑

鮮于少保碑

卷之七

碑

郭公廟碑銘

康使君碑銘

歐陽領軍碑銘

卷之八

碑

贈梁州都督徐府君碑

東川節度使杜公碑

卷之九

碑

魏夫人仙壇碑

華姑山壇碑

玄真子碑

玄靖李先生碑

卷之十

墓碣墓誌

麗正殿學士殷君碣

東川節度使杜公誌

祭文

祭姪季明

卷之十一

書帖

與李太保帖

與盧舍曹帖

與蔡明遠帖

與夫人帖

寒食帖

蔡州帖

與郭僕射書

讚

李侍御寫真讚

題名

華嶽廟題名

東林寺題名

西林寺題名

靖居寺題名

題湖州碑陰

卷之十二

序

孫逖文公集序

懷素上人草書歌序

送刘太冲序

送辛子序

卷之十三

記

東方先生畫贊碑陰記

鮮于氏離堆記

撫州寶應寺律藏院戒壇記

撫州南城縣麻姑山仙壇記

柳惲西亭記

沈氏述祖德記
乞御書題額恩勅批答碑陰記
吳興地記

卷之十四

記

八閔齋會報德記

崔孝公陋室銘記

撫州寶應寺翻經臺記

張長史十二意筆法記

卷之十五

詩

題杼山三笑亭

謝陸處士杼山折青桂花見寄之

什

登平望橋下作

登峴山觀李左相石罇聯句

水堂送諸文士戲贈潘丞聯句

送耿滯拾遺聯句

擬五雜組一

五言月夜啜茶聯句

三言重擬五雜組

五言夜宴詠燈聯句

三言喜皇甫曾侍御見過南樓翫

月

七言重聯句

五言送李侍御聯句

五言翫初月重送聯句

五言重送橫飛聯句

七言大言聯句

七言小言聯句

七言樂語聯句

七言喚語聯句

七言滑語聯句

七言醉語聯句

五言夜集聯句

刻清遠道士詩因而繼作靖遠道

休稱數附

五言使過瑤臺寺有懷園寂上人

并序

贈僧皎然詩

補遺

裴將軍詩

遷歿懿二祖及禘祫議

千祿字書序

項王碑陰述

祭伯父豪州刺史文

與李太保帖

與澄師帖

與御史帖

守政帖

廣平帖

修書帖

中夏帖
文殊帖
訊後帖
穆蔡帖

顏魯公文集

錫山安國刊

卷之一

奏議

請復七聖謚號狀

謹按禮記曰先王謚以尊名節以一惠故
行出於已而名生於人使夫善者勸而惡
者懼也而虞夏之質殷周之文至矣而禹
湯文武之君咸以一字為謚言文則不稱
武言武則不稱文豈聖德所不優乎蓋羣
臣稱其至者是以子不得議父臣不得議
君天子崩則臣下制謚於南郊明受之於
天也諸侯薨則太子赴告於天子明受之

於君也至於周室卑大朴散謚始以兩字
爲重人或以虛美爲崇漢承戰國餘烈參
而用之君臣易名事歸至當少不以爲聚
多不以爲褒雖美衆所歸可一言而盡矣
魏晉以降蓋不足徵聖唐欽明憲章周漢
爰初創業順考古道高祖謚太武用漢制
太宗謚曰文行周道也各正理順垂之無
窮上元中政在宮壺亂名改作始建神堯
文武大聖之號蓋非高宗之所獲已貞玄
宗之末奸臣竊柄析言而亂舊法輕議以
改鴻名遂廣累聖之謚有加至十一字者
皇帝則悉有大聖之號皇后則皆有順聖
之名使言之者惑於今行之者異於古非

舊制也其後劍門下罪已之詔叙高祖已
下累聖悉用舊謚則玄宗悔既往之失亦
以明矣寶應中二聖山陵有司議謚事不
師古變而行權去古質而尚浮華捨舊名
而廣新謚謂一名不足以節惠迺十陪於
古焉而累聖謚名悉以字多者爲定是廢
高祖太宗之令豈曰愛君今制謚非古人
皆知之有司因循其事而無敢言者假使
當今守之而不改後人議之以爲非然所
失豈不大哉何者臣子之於君父莫不欲
廣其美稱先王制禮不敢過也故至敬無
文至文尚質二之數極於一堯舜之美足
以彰矣文之數於極二孝文孝景之德亦

以明矣質則近古文則近今此高祖太宗所以更用其法後王所宜守之法也非天下之至聖其孰能定之此天皇所以興聖主而正鴻名太宗所以待孝孫而修廢典徵至所以守經義而崇聖朝陛下宜奉天心繼先太宗之志使子孫蒙其法而萬代守之此天下之能事也臣愚以為高祖已下累聖謚號悉宜取初謚為定謹按舊制宜上高祖為武皇帝太宗為文皇帝高宗為天皇帝中宗為孝和皇帝睿宗為聖真皇帝其二聖謚各字數太廣有逾古制臣愚請擇其美稱而正之謹按謚法秉德不回曰孝照臨四方曰明宜上玄宗為孝

明皇帝又按謚法聖善周聞曰宣宜上肅宗為孝宣皇帝仍准漢魏及因朝故事於尚書省議定奏御夫文弊則救之以質至敬也名或而反之於正至明也祖作之而孫述之至孝也三者備矣然後能立天下之大本正天下之大名建天下之大業能事畢矣伏惟皇帝陛下詳擇

論元皇帝祧遷狀

王制天子七廟二昭三穆與太祖之廟而七又礼器云有以多為貴者天子七廟又伊尹曰七世之廟可以觀德此經典之明證也七廟之外則曰去祧為壇去壇為墀故歷代儒者制迭毀之礼皆親尽宜毀伏

以太宗文皇帝七代之祖高祖神堯皇帝
國朝首祚萬葉所承太祖景皇帝受命于
天始封于唐元本皆在不毀之典代祖元
皇帝地非開統親在七廟之外代宗皇帝
升祔有曰元皇帝神主礼合祧迁或議者
以祖宗之名難於迭毀昔漢朝廷近古不
敢以私滅公故前漢十二帝爲祖宗者四
而已至後漢漸違經意子孫以推美爲先
自光武以下皆有廟號則祖宗之名莫不
建也安帝以讒害大臣廢太子及崩無上
宗之奏後自建武以來無毀者因以陵號
稱宗至桓帝失德尚有宗號故初平中左
中郎蔡邕以和帝以下功德無殊而有過

差不應爲宗及餘非宗者追尊二代皆奏
毀之是知祖有功宗有德存至公之義非
其人不可居蓋三代立礼之本也自東漢已
來則此道喪矣魏明帝自称烈祖論者以
爲逆自稱祖宗故近代此名悉爲廟號未
有子孫踐祚而不祖宗先王者以此明之
則不得獨據兩字而爲不祧迁之證假令
傳祚百代豈可上存百代以爲孝乎請依
三昭三穆之義永爲通典宝應二年升祔
玄宗肅宗則獻祖懿祖已從迭毀伏以代
宗睿文孝皇帝卒哭而祔則合上遷一室
元皇帝代數已遠其神主準禮祧而禘祫
之時然後響祀

廟享議

議者或云獻祖懿祖親遠廟遷不當祫享宜永闕於西夾室又議者云二祖宜同祫享與太祖並列昭穆而空太祖東向之位又議者云二祖若祫同享即太祖之位亦不得正宜奉遷二祖神主祔藏於德明皇帝廟臣伏以三議俱未爲允且禮經殘缺既無明據儒者能比方義類斟酌其中則可舉而行之蓋叶於正也伏以太祖景皇帝以受命始封之功慶百代不遷之廟配天崇孝是極尊嚴且至禘祫之時暫居昭穆之位屈已伸孝敬奉祖宗緣齒族之禮廣尊天之道此實太祖明神烝之之本意亦所以化被天下率循孝悌也請依晉蔡謨等議至五年十月祫享之日奉獻祖神主居東面之位懿祖太祖裊諸祖宗遵左昭右穆之列此有以彰國家重本尚順之明義足爲萬代不易之令典也又議者請奉遷二祖神主於德明皇帝廟行祫祭之禮夫祫合也故公羊傳曰大事者何祫也若祫祭不陳於太廟而享於德明廟斯乃分食也豈謂合食乎名實相乖尤失禮意固不可行

論百官論事疏

御史中丞李進等傳宰相語稱奉進止緣諸司官奏事頗多朕不憚省覽但所奏及

按松議毀自論事者諸司官皆須先白
長官長官白宰相宰相定可否則然後奏聞
者臣自聞此語已來朝野囂然人心亦多
衰退何則諸司長官皆達官也言皆專達
於天子也郎官御史陛下腹心耳目之臣
也故其出使天下事無巨細得失皆令訪
察廻日奏聞所以明四目達四聰也今陛
下欲自弄耳目使不聰明則天下何迷焉
詩云營營青蠅止于棘讒言罔極交乱四
君以其能變白為黑變黑為白也詩人深
惡之故曰取彼讒人投畀豺虎豺虎不受
投畀有北則夏之伯明楚之無極漢之江
充皆讒人也孰不惡之陛下惡之深得

人之跡矣陛下何不深迴聽察其言虛誣
者則讒人也因誅殛之其言不虛者則正
人也因獎勵之陛下捨此不為使眾人皆
謂陛下不能明察倦於聽覽以此為辭拒
其諫諍臣竊為陛下痛惜之臣聞太宗勤
於聽覽庶政以理故著司門式云其有無
門籍人有急奏者皆令監門司與仗家引
對不許閑礙所以防壅蔽也并置立仗馬
二匹須有乘騎便往所以平治天下正用
此道也天寶已後李林甫威權日盛群臣
不先諮宰相輒奏事者仍託以他故中傷
之不敢明約百官令先白宰相又闡官表
思藝日宣詔至中書玄宗動靜必告林甫

先意奏請玄宗驚喜若神以此權柄恩寵日甚道路以目上意不下宣下情不上達所以漸致潼關之禍皆權臣誤主不遵太宗之法故也陵夷至于今日天下之弊盡萃乎聖躬豈陛下招致之乎蓋其所從來者漸矣自艱難之初百姓尚未彫弊太平之理立可便致屬李輔國用權宰相專政逆相姑息莫肯直言大開三司不安反賊逆賊散落將士比走兗項合集土賊至為患僞將更相驚恐因思明危懼扇動反又令相州敗散東都陷沒先帝由此勤至於損壽臣每思之痛切心骨今天下兵戈未戢瘡痍未平陛下豈得不日聞

言以廣視聽而欲頓隔忠讜之路乎臣竊聞陛下在陝州時奏事者不限貴賤務廣言見乃充舜之事也凡百臣庶以為太宗之理可翹足而待也臣又聞君子雖進易退由此言之朝廷開不諱之路猶恐不言况懷馘愈令宰相宣進止使御史臺作條目不令直進從此人人不敢奏事則陛下聞見只在三數人耳天下之士方鉗口結舌陛下後見無人奏事必謂朝廷無事可論豈知懼不敢進即林甫國忠復起矣凡百臣庶以為危殆之期又翹足而至也如今日之事曠古未有雖李林甫楊國忠猶不敢公然如此陛下不早覺悟漸成

立後縱悔之無及矣臣實知忤大臣者罪在不測不忍孤負陛下無任懇迫之至

朝會有故去樂議

周禮大司樂職云諸侯薨令去樂大臣死令弛懸鄭注云去謂藏之弛謂釋下也是知哀輕者則釋哀重者則藏又按庾蔚之禮論云晉元后秋崩武帝咸寧元年亨萬國不設樂永嘉元年冬惠帝三年喪制未終司徒左長史江充議二年正會不宜作樂又章皇后哀限未終后主已入廟博士徐乾議曰周景王有后嫡子之喪既葬除服叔向猶議其晏今不宜懸宋書禮制云晉武帝已來國有大喪廢樂三年又按江

集禮說晉博士孔恢朝廷過密懸而不作以爲宜都去懸設樂爲作不作則不宜懸孟獻子禫懸而不樂自是應作耳故夫子曰獻子加於人一等矣非謂不應作而猶懸也國喪尚近謂金石不可陳於庭又徐廣言史由聞樂不怡故申請於過密諒闡奪服慮政事之荒廢是故秉權通以變常量輕重以降差臣以周禮去樂之文宋志終喪之證徐廣之論寧戚孔恢之說禫懸理既可憑事又其實伏請三年未畢都不設懸如有齊衰喪及遇大臣薨歿則量輕重懸而不作

顏魯公文集卷之壹

顏魯公文集卷之二

皇帝即位賀上皇表

錫山安國刊

臣某言六月二十七日伏承賊陷潼關駕幸蜀郡李光弼郭子儀等正圍博陵郡兵入土門王師既還百姓震恐憂惶危懼若無所歸臣不勝悲憤之深遂遣脚力人張雲子間道上表猶恐不達又差招討判官信都郡武邑縣主簿李銑相繼行銑及雲子前後並到靈武郡奉皇帝七月十二日勅伏承陛下命皇太子踐祚改元皇帝上陛下尊號曰上皇天帝臣及官吏僧道耆壽百姓等蹈舞抃躍其張雲子回皇帝

授臣工部尚書兼御史大夫其李銑回又
授臣銀青光祿大夫顧以庸微頓叨寵命
道路隔絕辭讓無由進退失圖伏增惶懼
竊以逆賊安祿山孤負聖恩憑陵寓縣禍
盈惡稔尚稽天誅今皇帝撫軍蒼生賈勇
豐鎬河洛指期可平伏願陛下垂拱顧神
以觀廓清之慶臣官守有限不獲隨例闕
庭無任懇款悲戀之至

批荅

兇逆亂常侵侮中夏潼關失守京國
不寧朕因涉歧梁至於巴蜀遂命皇
帝警登寶曆爰靜妖氛今官軍益振
延統効款即擬南行共為剪滅卿忠

惟奉國孝則保家懷不二之心秉難
奪之操皇帝累申寵命兼以崇班宜
有懋於深功且用光於重守

讓憲部尚書表

臣某言臣聞無功受賞為善不勸有罪不
罰為惡罔辯陛下剋復之期匪朝伊夕至
如賞罰二柄事在必行苟或不明於何取
則臣以愚懦叨守平原屬逆賊安祿山背
叛聖恩擾犯河洛臣堂兄杲卿以常山太
守首開土門臣與河北諸郡因之固守人
臣本分夫有何功上皇授臣戶部侍郎兼
知招討採訪等使已失人望緣賊未滅遂
不敢辭又令李光弼郭子儀賀蘭進明等

與臣計會同討兇逆三數月間河北向定
屬潼關失守大駕西巡光弼等却入土門
諸郡危逼陛下御極又錄臣無功寵以非
次常伯亞相一時猥集臣兄允南弟允斌
等連榮臺省一男三姪皆授好官在臣一
門叨幸斯極殞身碎首無以上報臣當使
判官鉅鹿郡南和縣丞賈載姪男永王府
典軍廣成及行官鄧昌珍楊神功裴法成
等十餘人將綵物絹帛相繼渡海與劉正
臣計會共和三蕃正臣等尅期南來行已
有日屬逆賊史思明尹子奇等乘其未至
悉力急攻諸郡無援相次陷沒皆由臣孱
懦無謀致此顛沛誠合殉命危難死守孤

城以為歸罪闕庭愈於受擒賊手所以僱
倖偷生過河緣劉正臣使楊神功將牒與
臣索兵馬及盤瓶錦張醜令應接奚契丹
等不與其勾當伏恐陛下貽憂又恩勅先
超授吳郡司士鄭毓樂安郡太守令於江
淮南兩道度僧道取錢與臣召募士馬令
應接河北臣由此未獲即赴行在遂至廣
陵丹陽等郡各與採訪使計會竟不得兵
馬即累奉聖旨許臣入奏行至武當郡又
奉恩命除臣憲部尚書兼令使者送告身
與臣捧戴殊私不任惶懼陛下縱舍弘善
貸不忍明刑在臣覲冒至深胡顏自處臣
忝為大臣繫國休戚損臣益國臣受其益

損國益臣臣受其損若受任失守還朝屢
遷示國無刑於臣大損非敢外飾實披至
誠又臣名節雖微任位頗重為政之弊必
在律人思先逮下罰當後上今罪一人則
萬人懼若怙於寵以海何瞻伏願陛下重
貶臣一官以示天憲使天下知有必行之
法則知有必賞之令寵榮過於尚書遠矣
無任懇悃之至云云

批荅

卿才推翰苑望重朝廷昆弟成名俱
效忠節頃蜂蠆縱毒郡邑多虞卿能
審事宜捍禦兇盜雖平原不守而功
効殊高日遷歸朝深副朕望允膺曳

履之命無至免冠之請

謝兼御史大夫表

臣某言伏奉今日制書以臣兼御史大夫
本官如故思榮累及成命曲臨捧戴殊私
慙惶靡據中謝臣孱微有素抗直無聞比
守平原困於兇賊不能死節負義歸朝斧
鉞之誅甘心待命崇高之位不次頻叨孟
夏之中始操刑柄數旬之內兼摠憲司撫
已缺如負乘斯甚將何以明刑天下振
舉綱綱臣聞秦漢之時凡有制詔皆下丞
相御史府人到于今稱爲副相東方朔舉
自古賢聖以次百官乃以孔丘爲御史大
夫則知其官何可妄授况列曹尚書古之

常伯如天之有斗豈易其人非以表辭非
敢矯舉恐煩天聽僂俛就班候隙請問方
擬牢讓不圖崇寵又集微軀聖恩煩繁固
令即上陳請莫遂惶懼益深又臣竊見近
日朝列之內或有身兼數官苟貪利權多
致顛覆害政非一妨賢實多臣嘗忿之其
忍自冒無任懇迫屏營之至謹詣閣門陳
謝以聞倘天聰聽卑猶冀少迴恩造傳臣
一職別授忠賢則雖死猶生期於畢力臣
某云云

批荅

卿德重才博又而益彰深竭忠貞克
著名節乃今再造區夏籍卿以振朝

綱曳履之榮允膺其象弄印之寵無
以易卿既簡朕心不至謙讓所謝知
馮翊太守上表謝

臣某言伏奉某月日恩制除臣馮翊太守
以某日至郡上訖受命祗懼伏增戰越辭
臣自失守平原萬里歸命甘心斧鉞用儆
敗亡陛下錄纖芥之誠捨立山之罪超司
秋典再長憲臺宗伯亞相一時猥集在臣
叨幸何以克堪誓當粉骨碎身少酬萬一
而力微任重福過災生消塵莫効咎愆仍
積上負聖明之恩下慙魯衛之士槃木加
劍未塞深尤禦魅投荒乃為殊造陛下識
其眉目矜其要領待本罪猶忝於左馮黜

官不離於秩感念恩德瀕于心髓木石知
變况在微臣伏惟陛下察其竊愚救其後
效臣雖萬死實荷所天竊以此郡破亡再
陷兇逆生靈塗炭邑室空虛殺傷者雖或
蓋藏逃亡者尚未歸復謹當勵精悉力宣
諭皇明旬月之間望有所校伏惟陛下減
省聖慮不以此郡為憂則臣之愚忠生死
萬足其戶口實數并利害切急者伏望容
臣括責續狀奏聞無任感戀之至

批荅

卿夙負名器列在朝廷委弄印之傳
兼良履之寵而乃事乖執法情未滅
私朕念以舊勳遂從寬宥今左輔之

郡凋弊之餘宜加撫存以申來効所
謝知

蒲州刺史謝上表

臣某言臣△月十一日伏奉五日恩制除
臣使持節蒲州諸軍事蒲州刺史充本州
防禦使臣緣同州先無佐官蒲州書魚未
到遲迴累日不敢赴上中使張抱誠至奉
宣恩命令臣與將軍趙瑣計會遊奕兵馬
昨以十八日至州上訖祇承寵命伏憎感
惕中臣竊以此州之地堯舜所都表裏
山河古稱天險餘兇未殄防禦是先况扼
秦晉之喉扼幽并之背既號股肱之郡實
資心膂之賢伏惟光天文武大聖孝感皇

帝陛下道冠生人恩涵隆覆方建非常之業不遺易忘之臣特委大邦俾之集事戴荷殊獎無忘寢食但臣愚駑有素習勇缺然將以鎮遏艱虞導揚德澤拜命之日以崇為憂唯君知臣教其不及勤恤人隱動必以聞陛下不以為煩則三死而獲考矣無任感戴屏營之至

批荅

卿簪紱之端名節素重出鎮藩翰克効忠勤况自同及蒲襟帶相接宣風布化實佇於卿特委股肱尤當勉勵防虞恤隱必應事宜所謝知

謝浙西節度使表

臣某言伏奉六月九日恩制以臣為昇州刺史充浙西節度使兼江寧軍使聖德含弘不遺簪履捨其罪戾假以麾幢感戴恩榮死生知報中謝臣以為全吳舊國分閩重壘煮東海以自資塹西河而作固九州天險之地六代帝王之都是以魏文興嗟甘從南北之限符堅怙侈爰喪百萬之師豈不以形勝是先腹心斯切親賢重寄鎮遏攸難矧在庸微寧堪及此是以拜命之日以崇為憂制書以今日四日至饒州臣以今日發赴本道取都統節度觀察使李峘處分訖即赴昇州即當繕修甲兵抚循將士觀察要害以備不虞假陛下英武之

威遵陛下平明之理一心戮力上答天慈
伏惟陛下察臣愚忠則死且不朽無任感
戴屏營之至

批荅

卿學行有聞謀猷克壯屢經寒歲不
改松筠且江寧古之帝都實爲巨防
自非宿德其可濫居委卿忠誠俾當
連帥宜弘籌畧爲朕緝綬所謝知

謝戶部侍郎表

臣某言伏奉某月日恩命以臣爲戶部侍
郎榮寵自天感戴交集中謝臣聞地官之
任邦教是資侍郎之職非資不授况臣資
性愚蒙行能無取頻以踈拙獲罪朝廷五

年之間三貶官次先朝皇極猶佐藩條官
階勳封盡蒙黜削待罪三年分從遐棄屬
陛下以聰明睿哲嗣聖登庸思宥廣羣授
臣利州刺史詔書始下纔涉旬朔不遺易
忘之臣忽奉待詔之命生死骨肉受賜已
深對見之辰又蒙殷以章服小臣懷惠寤
寐無寧聖澤類繁叨戴斯授循涯省分盈
量則多粉骨糜軀罔知攸咎無任感戴惶
懼之至

批荅

卿門傳儒行代挹公才忠義在躬幹
蠱從政頭升入座式昭水鏡之規往
鎮兩河能鳴風雨之晦比雖因事見

貶今則念舊錄功然以地官務殷惟
才是屬周行所舉殊愜朕懷所謝
謝吏部侍郎表

臣某言伏奉某月日恩制以臣爲吏部侍郎又奉某月日恩制加臣銀青光祿大夫
涖辰之暇殊澤游至恭承寵命戴荷交馳
中竊以國之所急必在官人銓綜之司
非賢弗授伏揆虛薄祗懼實深常恐上塵
則哲之明下負竊位之責未酬萬一再沐
恩私寵命忽臨舊階旋復叨榮既甚宥過
何深佩玉腰金實懼在梁之刺忘軀拜賜
誓懷粉骨之誠施重力微罔知攸措無任
荷戴屏營之至

批荅

卿鬱然詞宗雅有朝望高標勁節歷
霜霰而不渝握鏡懸衡鑒人倫而式
叙是用特加命數光乃純臣復銀青
之舊階鳴木蒼之雜珮佇聞密啓以
定九流舉其朝綱僉曰惟允所謝知

謝荆南節度使表

臣某言伏奉二十七日恩制除臣江陵尹
兼御史大夫充荆南節度觀察處置使寵
命自天戰荷無地中竊以荆南巨鎮江
漢上游右控巴蜀左聯吳越南通五嶺北
走上都寇賊雖平襟帶尤切雖叔子仁德
元凱智囊居之猶或病諸過此豈宜監據

祗承睿顧伏深慙惕無任感戴屏營之至
批荅

卿明邁偉才志貞壯節夙推公器累
踐周行專城高魏尚之勛會府著山
濤之積而七澤交帶三江要衝式資
統尹之方雅屬旌旄之寄人存政舉
其在茲乎所謝知

顏魯公文集

錫山安國刊

卷之三

表下 并批荅

謝贈官表

臣某言伏奉二月十七日恩制至亡祖故
曹王屬曹王晉王侍讀先臣昭南特蒙聖
恩超贈使持節華州諸軍事華州刺史天
慈錫類泉壤疏榮捧戴殊私闔門感慶中
竊以臣亡祖伏膺文儒克篤前烈能讀
三墳五典入索九丘特爲伯父故祕書監
先臣師古之所賞愛師古每有注釋未嘗
不參預焉又與李士令狐德棻等同侍天

皇得備顧問有時無命天闕盛年臣亡父
汝薛五友先臣惟貞亡伯故濠州刺史先
臣元孫等並祿襁苴麻孩提未識養於舅
氏殷仲容以至成立臣堂兄故衛尉卿兼
御史中丞杲卿即元孫之子及臣兄弟等
幸承貽厥之訓遭遇明聖之朝各以微誠
皆蒙殊獎杲卿雖死爲不朽矣臣亦何人
屢叨榮祿夙夜祗懼慚戴已深不謂濡澤
曲霑褒貽俯及特蒙加等之禮實爲非常
之恩感戴屏營萬死非報無任戰荷之至
謹因中使內謁者監張抱誠冒死陳謝以
聞

云云

批荅

卿之乃祖當爲碩儒既高在相之能
遂有臧孫之後不墜其業在卿之門
式覃追遠之恩俾蒙貽厥之慶加贈
方岳以表哀榮所謝知

乞御書天下放生池碑額表

臣某言臣聞帝王之德莫大於生成臣子
之心敢忘於讚述臣去年冬任昇州刺史
日屬左驍衛左郎將史元琮中使張庭玉
等奉宣恩命於天下州縣臨江帶郭處各
置放生池始于洋州興道汜于昇州江寧
秦淮太平橋凡八十一所愚沾動植澤及
昆蟲發自皇心徧于天下歷選列辟未之
前聞海隅蒼生孰不欣喜臣時不揆愚昧

輒述天下放生池碑銘一章又以俸錢於
當州採石無力拙自書蓋欲使天下元元
知陛下有好生之德因令微臣獲廣昔賢
善頌之義遂絹寫一本附史元琮奉進兼
乞御書題額以光揚不朽緣前書點畫稍
細恐不堪經以臣今謹據石擘窠大書一
本隨表奉進庶以竭臣下懷之誠特乞
聖恩俯遂前請則天下幸甚豈惟愚臣昔
秦始皇暴虐之君李斯邪諂之臣猶刻金
石垂於後代魏文帝外禪之主鍾繇偏方
之佐亦於繁昌立表頌德况陛下以巍巍
功業而無紀述則臣竊耻之謹昧死以聞
伏增戰越

批答

朕以中孚及物亭育焉心九在覆載
之中畢登仁壽之域四灵是畜一氣
同和江漢爲池魚鱉咸若卿慎徽盛
典潤色大猷能以懿文用刊樂石聿
含飛動韻合鏗鏘成不朽之立言紀
好生之上德唱而必和自古有之情
發于中予嘉乃意所請者依

顏魯公文集

錫山安國刊

卷之四

碑

天下放生池碑銘 并序

皇唐七葉我乾元大聖光天文武孝感皇
帝陛下以至聖之姿屬艱虞之運無少康
一旅之衆當祿山強暴之初乾鞏勞謙勵
精爲理推誠而萬方胥悅尅已而天下歸
仁思信侔於四時英威達于八表功庸格
天地孝感通神明故得廻紇奚霽契丹大
食看蛮之屬扶服萬里决命而爭先朔方
河東平盧河西隴右安西黔中嶺南河兩

師號瀾五年推鋒而効死摧元惡如拉朽舉兩京若拾遺慶緒遁逃已蒙赤族之戮思明跽伏行就沸鼎之誅拯已墜之皇綱據再安之宗社迎上皇於西蜀申子道於中京一日二朝大明天子之孝問安視膳不改家人之禮蒸然翼然真帝皇之上儀詰誓所不及已歷選內禪生人以來振古及隋未有如我皇帝者也而猶姬煦萬類勤咲四生乃以乾元二年太歲己亥春三日山丑端命左驍衛右郎將史元琮中使張庭玉奉明詔布德音始于洋州之興道泉山南劍南黔中荆南嶺南江西浙西諸道汜于昇州之江寧秦淮太平橋

臨江帶郭上下五里各置放生池凡八十一所蓋所以宣皇明而廣慈愛也易不云乎信及豚魚書不云乎鳥獸魚鼈咸若古之聰明獻智神武而不殺者非陛下而誰昔殷湯克仁猶存一面之網漢武垂惠纔致銜珠之荅雖流水救涸寶勝稱名蓋事止於當時尚介社於終古豈若我今日動者植者水居陸居舉天下以爲池罄域中而蒙福乘陀羅尼加持之力竭煩惱海生死之津揆之前古魯何髣髴微臣職忝方面生丁盛美受恩寔深無以上報謹緣臯陶奚斯歌虞頌魯之義述天下放生池碑銘一章雖不足雍容明聖萬分之一亦臣之

精懇也敢刻金石著其詞曰

明明皇帝臨下有赫至德光天乾元啓隕
緯武戡亂經文御曆孝感神明義形金石
仁覆華夏恩加蠻貊道冠巍巍威深號號
邁茲及難克廣丕績慶緒既誅思明辟易
人道助順天心惡逆撲滅之期匪朝倍夕
乘此宝祚永康宗祐業盛君親功崇列辟
交禪之際粲然明白迴映來今孤高往策
去殺留惠好生立解率土之濱臨江是宅
遂其生性庇尔鱗鬪環海爲池周天布澤
致茲忠厚周弗怡懌動植依仁飛沉受獲
流水長者徒稱往昔宝勝如來疇庸允格
德力無競慈悲孔碩相時傳聞尚賴弘益

矧在遭遇其忘敷錫真卿勒銘敢告九百
臣真卿以乾元三年春三月戊辰撰至大
曆七年秋九月己亥自抚州刺史蒙除湖
州八年秋七月戊戌於州駱駝橋東追建
吳文休鐫

湖州烏程縣杼山妙喜寺碑

州西南杼山之陽有妙喜寺者梁武帝之
所置也大同七年夏五月帝御壽光閣會
所司奏請置額帝以東方有妙喜佛國因
以名之舊置在州西金斗山唐太宗文皇
帝升極之六年春二月移於此山山高三
百尺週迴一千二百步蓋昔夏杼南巡之
所今山有夏王村山西北有夏駕山皆后

杼所幸之地也晉吳興太守張玄之吳興
疏云烏程有墟名東張地形高爽山阜四
周卽此山也其山勝絕遊者忘歸前代亦
名稽留山寺前二十步跨澗有黃浦橋橋
南五十步又有黃浦亭並宋鮑昭送盛侍
郎及庾中郎賦詩之所其水自杼山西南
五里黃蘗山出故號黃浦俗亦名黃蘗澗
卽梁光祿卿江淹賦詩之所寺東偏有招
隱院其前堂西厦謂之溫閣從草堂東南
屈曲有懸巖徑行百步至吳興太守何楷
釣臺西北五十步至避它城按說文云它
地也上古患它而相問得無它乎蓋徃古
之人築城以避它也有處士竟陵子陸羽

杼山記所載如此其臺殿廊廡建立年代
並具于記中大曆七年真卿蒙刺是邦時
浙江西觀察判官殿中侍御史袁君高巡
部至州會於此上真碑遂立亭於東南陸
處士以癸丑歲冬十月癸卯朔二十一日
癸亥建因名之曰三癸亭西北於藜桂之
間創桂棚左石數百步有芳林茂樹悉產
丹青紫二桂而華葉異各樹桂之有支徑
以表君步焉因乎爲御史徑真卿自典校
時卽著五代祖隋外史府君與法言所定
切韻引說文蒼雅諸字書窮其訓辭次以
經史子集中兩字已上成句者廣而編之
故曰韻海以其鏡照源本無所不見故曰

鏡源天室末真卿出守平原已與郡人渤海封紹高箕族弟今太子通事舍人渾等修之裁成二百卷屬安祿山作亂止其四分之一及刺杭州與州人左輔元姜如璧等增而廣之成五百卷事物嬰擾未遑刊削大曆壬子歲真卿叨刺于湖公務之隙乃與金陵沙門法海前殿中侍御史李寧陸羽國子助教州人褚冲評事湯其清河泉太祝柳察長城丞潘述縣尉裴循常熟主簿蕭存嘉興尉陸士修後進楊遂初崔弘揚德元胡仲南陽湯涉顏祭韋介左興宗顏策以季夏於州學及放生池日相討論至冬徙于茲山東偏來年春遂終其事前

是顏渾正字殷佐明魏縣尉劉茂括州錄事參軍盧鏐江寧丞韋寧壽州倉曹朱弁後進周愿顏暄沈殷李甫亦嘗同修未畢各以事去而起居郎裴郁祕書郎蔣志評事呂渭魏理沈益劉全白沈仲昌攝御史陸向沈祖山周閔司議立悌臨川令沈咸右衛兵曹張著兄暮弟薦薦為校書郎權器興平丞韋柏尼後進房夔崔密崔萬寶叔蒙裴繼姪男超峴愚子頤顏往來登歷時杼山大德僧皎然工於文什惠達靈擘味於禪誦相與言曰昔廬山東林謝客有遺民之會襄陽南峴羊公流潤甫之詞况乎茲山深邃羣士響集若無記述何以示將

來乃左顧以求蒙俾記詞而藏事 銘曰
夏后南巡山名是因梁王東睽寺榜攸詢
形勝天絕規模昇新避它城古垂釣臺埋
棚以桂結浦由黃申二庾迢遶三癸嶙峋
徑列御史傳紆逸人紛吾著書群彥惠臻
海韻源鏡目秋徂春編同貫魚學比成麟
幸託勝引丞倍僧玠度斯見傳金石不泯
開府儀同三司行尚書右丞相上
柱國贈太尉廣平文貞公宋公神

道碑銘

於戲逆鱗剿上匡救之義深守死不回人
臣之致極况乎文包風雅道濟生靈建一
言而天下倚乎含九德而三光式序超無

友而獨立者其惟廣平公乎公諱璟字

邢州南和人其先出于殷王元子七代

祖弁魏吏部尚書襲烈人子祖欽道北齊

黃門侍郎並事跡崇高各見本傳高祖元

節定州田曹曾祖弘俊大理丞祖務本皇

撥陽令父玄撫衛州司戶贈戶部尚書自

田曹至于尚書皆實浮於名而位不充量

事見許公蘇邈所撰神道碑公七歲能屬

文一遍誦服鳥賦丁尚書府君憂水漿絕

口者五日入九歲時嘗夢太鳥銜書吐公

口中公吞之遂來而直上倏忽驚寤猶若

下在霄間自後藻思日新襟懷益爽年十
六 或讀易曠時不精公遲而覽之自

亥及寅精義必究明年進士高第補上黨
尉轉王屋主簿相國蘇味道爲侍御史出
使精擇判官奏公爲介公作長松篇以自
興梅花賦以激時蘇深賞嘆之曰真王佐
才也轉合宮尉長壽三年從調判入高等
有司特聞天后親問所欲公以代爲唐臣
不求榮達詭奏云家本山東願得魏之一
吏遂手詔授錄事參軍拜舞趨出后異而
召還又手詔拜監察御史裏行尋丁齊國
太夫人憂服闋築室及耕志圖不起俄而
即真遷殿中侍御史同列有博于臺中者
將責名品而黜之博者惶恐自匿翌日公
獨正辭引過天后悅而釋之遷天官員外

郎鳳閣舍人御史中丞乃謂所親曰吾比
欲優游自免不圖要近驟至於斯其敢廢
所職乎乃悉心納忠無所迴避時張易之
昌宗兄弟席寵脅權天下側目公危冠入
奏奮不顧身天后失色蒼黃欲起公叩頭
流血誓以死爭拾遺李邕奏曰陛下坐則
天下安起則天下危內史令勅公出公曰
天顏咫尺親奉德音不勞宰臣擅宣王命
詞氣慷慨左右震悚遂俱攝詣臺庭立切
責二豎股栗氣索不敢仰視自朝至夕日
吳勅使馳救之公不得已而罷又令詣公
謝罪公拒之後有慘恤二豎來吊公辭曰
貴近不宜與執法通同假滿朝士慰公二

登又欲序進公舉被迎揖之不得或祀而去神龍之興復也公實佐其謀及當疇庸讓而不受曰清宮問罪事出五王祀夏中興功歸明主非曰逃賞誰敢貪天俄拜朝散大夫吏部侍郎兼諫議大夫遷黃門侍郎嘗遇梁王武三思於朝三思方欲言事公正色謂之曰當今復子明辟王宜以疾就第何得尚干朝政三思慙懼而退請急累月俄而兼攝尚書左丞玄宗將幸西蜀深虞北鄙乃兼檢校并州大都督府長史又改兼貝州刺史與數人同辭三思獨揖公住公顧謂之曰諸人已出不可獨留遂揖之而去屬年穀不登國租罷入三思食

三公悉觸之既屢挫其鋒亦處之自若俄而真拜轉杭州又復遷相州尋入為洛州長史唐隆初拜吏部尚書同中書門下三品唐隆初即景雲元年也是年六月甲申改元唐隆七月己巳改元景雲環之拜命在丁巳未改景雲之前故曰唐隆初宰相亦統言之故曰景雲粵五日兼右庶子尋加銀青光祿大夫玄宗之在儲闈鎮國太平長公主潛謀廢立嘗於光範門內坐步檐中諷宰臣以此旨諸相失色莫敢先言公盛氣詰之曰東宮有大功宗廟社稷主也安得異議遂奏婦人干政恐生禍階請不令朝謁俄而甲又縱橫公奉之辭是貶

資廓清河朔保又王室翼戴三聖天下之人謂之李郭異代同德今古一時公諱光弼京兆萬年人也曾祖皇左威衛大將軍幽州經略軍副使府君諱令節祖鴻臚卿兼檀州刺史府君諱重英父雲麾將軍左領左羽林二軍大將軍朔方節度副使薊郡開國公贈幽州都督司空諱楷洛皆以英果沉勇累葉將邊懔威稜於幽碣公即薊公之第四子也體渾元之正性秉弘毅之高躅天子純嘏生知禮度謨謀炳邃默識冲深傑出經武之才鬱爲興王之佐故能東征北伐厭難康屯挺草昧不世之功允蒼生具瞻之望社稷威寶公之謂歟初

天后萬歲中大將軍燕國公武楷因爲國飛將威震北陲有女曰今韓國太夫人才淑冠族嘗鑿之曰爾後必生公侯之子因擇蘇公配焉後果生公公年六歲嘗旣鹿而遊薊公視而誨之曰兒勿更爾公振手而起遂絕不爲童戲未冠以將門子工於騎射能讀左氏春秋兼該太史公班固之學開元中起家左衛左郎將歷豐夏二都督府長史尋遷別駕加朝散大夫丁父憂以毀聞終喪不入妻室太夫人高明整肅有慈有威公下色怡声承順而每竭其力雖已官達小不如意猶加誨讓之責故能濟其勳業天寶二年拜寧朔郡太守四載

是年五月廿一日
庚子年五月廿一日
記

長安有司深探其獄勅公按覆如京兆司
錄李如璧等百餘家皆以借宅假器悉當
連坐公以婚姻假借天下大同至于京
其例尤衆知情即是同反無罪不合論辜
兇渠之外一切原免天下欣服焉中書令
河東張公傑出持明之材獨運廟堂之上
鏡機朝澈見事風生風生求公規模悉閱
堂案每至危言黨議執正守中未嘗不廢
卷失声汗流浹背其爲通賢所服也如此
十三年新舊書 並作 駕幸東都以公爲西
京留守公極言得失無有所隱玄宗感悅
制曰所奏之言置之座右出入觀省以誠
終身因賜綵物二百疋明年又兼吏部十

七年拜尚書右丞相雅善戲謔不常矜莊
與故戶部尚書爲王暎爲莫逆之友晚而
彌篤凡所談諧人輒疏取端五日蒙賜鍾
乳命醫婦鍊或以爲上藥異殊不宜委之
公曰推誠求信猶懼不應猜以待人信其
可得聞者慙退二十一年新舊書 又作 二十
抗疏告老至于再三手詔優許遂特給全
祿賜絹五百疋還東京公以爲大臣歸休
不宜閔通人事遂杜絕賓客其年新舊書 又作 懷
仁駕幸洛陽公迎拜道左玄宗親駐龍蹕
使榮王琬勞問者數四自後中使往來賞
賚不絕方崇乞言之典以極師臣之敬二
十五年仲冬月十九日寢疾薨于京都明

教里第享年七十五天下失聲玄宗震悼
追贈太尉諡曰文貞公賻物米粟常數有
加喪葬官供仍詔河南少尹崔釋之充監
護使夫人齊國夫人博陵崔氏滄州長天
藝之女淑慎嚴整高明柔克訓諸子而慈
且有威佐丞相而德無違者門內之理一
以見咨躡公而歿允終偕老嗚呼公有七
子復同州司功先公而卒昇尚書郎太僕
少卿尚漢東太守渾職方郎中諫議大夫
御史中丞東京畿採訪使太子左諭德恕
都官郎中延原少尹華判入高等登封尉
尉氏令衡右散騎常侍兼御史中丞河南
節度行軍司馬或肅或文或哲或義克德

前烈以休令聞以戊寅歲五月二十九日
虔奉遺約歸葬公于沙河縣太尉鄉丞相
原之先塋夫人合而祔焉禮也惟公間氣
降神應期傑出生知禮度天縱才明玉立
殿天子之邦介然秉大臣之節震雷憑怒
讜言而不有厥躬昇鑊沸前臨事而義形
于色蠱迪檢押難常情之所易志深直諒
易古人之所難外其身而富貴不離行其道
而死生勿替非夫含一之德格于皇天不
二之心形于造次則何以异是乎况所謂
振古之元龜皇王之威寶者矣且夫公之
德烈充塞寰宇公之謀猷著明日月大曆
五年冬十二月孫儼懼遺盛美不遠求蒙

以真卿天祿校文叨太僕之下列憲臺執
簡承諭德之深知雖青史傳信實錄已編
於方冊而豐碑勒銘表墓頤備於論譔謹
憑吏部員外郎盧僎所上行狀畧陳萬一
多恨闕遺其辭曰

天命玄鳥降而生商湯孫之緒微子分疆
詞招正則尉翼文皇吏部黃門紛綸耿光
忠賢世出信史相望篤生丞相祚我有唐
文明純嘏毅烈堅剛恒衛間氣星辰降芒
嶷然山立鏗爾金鏘忠孝之盛人倫紀綱
垂髻能文夢鳥發祥通昔究易中齡擅塲
勝冠結綬歷政洋洋乃尉合宮貳軺琅琅
賦嗤梅艷篇美松長蘇公嗟稱才必佐王

滿歲從調試言高驥登聞繡長蹕列繡裳
造跡天官如珪如璋司言鳳閣綸綍煌煌
乃作中丞威稜莫當志除兇狡廷劾二張
天后愕眙百寮震惶公獨凜然出身激昂
義形言色精貫穹蒼皇室中興嘉謀克彰
功成生讓事軼屠羊貳職選曹諫議是匡
載清流品屢奏封章乃侍瑣闥持維夕郎
悉心糾正庶績咸康三思睚眦席寵于常
責之就第慙懼靡亢左曹攝轄大鹵于襄
兼刺貝立朋辭鴈行三思揖語公獨循壺
處之不忤轉旆于杭既遷鄴城遂尹洛陽
乃作冢宰訂謨廟堂幾兼官相亟縮銀黃
玄宗登儲鎮國是遑潛謀廢立謠詠相翔

厥勇撓政累奏愆殃肆臨楚邦荐察冀方
總督幽薊翻飛國庠亞相烈烈尹京趨
旋臨建德歛莅南荒俚帥咸旣茅櫛是攘
張公頌德雋永甘棠所忠來召拜命即裝
略無交言帝用式減載司刑吏八座擢揚
兼監黃樞鈞軸是將匪躬謇謇終始光光
乃拜儀同允釐保鄆河東閱故汗洽流漿
狂豎犯閔兇渠既戕命公覆獄咸脫死亡
乃陟右揆右揆決決每謔王君豈常矜莊
懸車告老疾保康強方崇潰醕孤映練緗
天不憖遺萎哲壞梁一人震悼九有淒涼
市既罷賈春仍絕糗乃贈太尉師終禮滂
返葬沙河羽儀央央闔朝傾祖河戶護喪

生榮死哀行路感傷令人孺慕攀泣嗚呼
高墳崔嵬鉅鹿劇旁森梢宰樹繚繞連崗
干嗟廣平宅此不暘孝孫翼翼論譔靡忘
豐碑碣豎萬古訾相

開府儀同三司太尉兼侍中河南
副元帥都知河南淮南淮南西荆南
山南東五道節度行營事東都留
守上柱國贈太保臨淮武穆王李
公神道碑銘

昔宗周之中興也時則有若方叔召虎總
師于肇敏之業南威蠻荆東截淮浦以左
右宣王詩人歌之列在風雅我皇唐之反
正也時則有若臨淮汾陽秉文武忠義之

資廓清河朔保又王室翼戴三聖天下之人謂之李郭異代同德今古一時公諱光弼京兆萬年人也曾祖皇左威衛大將軍幽州經略軍副使府君諱令節祖鴻臚卿兼檀州刺史府君諱重英父雲麾將軍左領左羽林二軍大將軍朔方節度副使薊郡開國公贈幽州都督司空諱楷洛皆以英果沉勇累葉將邊懔威稜於幽碣公即薊公之第四子也體渾元之正性秉弘毅之高躅天子純嘏生知禮度謨謀炳邃默識冲深傑出經武之才鬱爲興王之佐故能東征北伐厭難康屯挺草昧不世之功允蒼生具瞻之望社稷威寶公之謂歟初

天后萬歲中大將軍燕國公武楷因爲國飛將威震北陲有女曰今韓國太夫人才淑冠族嘗鑿之曰爾後必生公侯之子因擇蘇公配焉後果生公公年六歲嘗抚鹿而遊薊公視而誨之曰兒勿更爾公振手而起遂絕不爲童戲未冠以將門子工於騎射能讀左氏春秋兼該太史公班固之學開元中起家左衛左郎將歷豐夏二都督府長史尋遷別駕加朝散大夫丁父憂以毀聞終喪不入妻室太夫人高明整肅有慈有威公下色怡声承順而每竭其力雖已官達小不如意猶加誨讓之責故能濟其勳業天寶二年拜寧朔郡太守四載

是年蓋放
魏方其在斯乎
庚子月十一
日無子記

加左清道率兼安北都護仍充朔方行軍
都虞候五載充王忠嗣河西節度兵馬使
加游騎將軍守右領軍賜紫金魚袋仍充
赤水軍使八月襲封薊郡開國公入載迂
右金吾衛將軍充節度副使以破吐蕃及
招討吐谷渾加雲麾將軍左武衛大將軍
十一載拜單于副都護十三載爲安思順
朔方節度兵馬使思順慕公信義請爲婚
姻公辭不獲免遂託疾罷官西平王哥舒
翰聞而躡之奏歸京師遂守道屏居杜絕
人事十四年冬十一月安祿山反范陽天
下驛騷朝廷旰食聿求燒燭之將爰統鷹
揚之師明年春正月起公爲銀青光祿大

夫鴻臚卿兼雲中郡太守攝御史中丞持
節充河東節度度支營田副大使知節度
事仍充大同軍使二月拜攝御史大夫魏
郡太守充河北道採訪使俄除范陽郡大
都督府長史充范陽節度使初公以朔方
馬步八千人出土門其月既望收常山郡
前是太守顏杲卿裒長史袁履謙殺祿山
土門使李欽湊擒其心手高覲何千年屬
太原尹王承業不出救兵杲卿履謙爲史
思明所陷戰士死者踰藉於滹沱之上公
親以衣袂拂去其上沙塵因慟哭以祭之
分遣恤其家屬城中莫不感激一心史思
明正圍饒陽馳來拒戰公屢摧陷之詔拜

公兼御史大夫俾今尚書令汾陽王郭公
子儀悉朔方之衆與公合勢南收趙郡又
敗之於沙河夏六月戰于嘉山大敗之斬
獲萬計思明露髮跣足奔于博陵窮感無
計歸節於祿山祿山大恐逆徒幾潰屬潼
關不守肅宗理兵于靈武盡追朔方之師
加公太原尹公以麾下及景城河間之卒
數千人至秋八月拜戶部尚書同中書門
下平章事史思明既有河北之地與蔡希
德悉衆來攻累月不尅而退公自賊逼城
於東南角張帳次居止竟不省視妻子每
過府門未嘗回顧是後决遣事務信宿方
婦至德二年拜司徒冬十二月十五日肅

宗既還京師策勳換司空兼兵部尚書封
鄭國公食實封八百戶公弟光進亦以懋
功同制封拜乾元元年八月拜侍中其年
冬十月與九節度圍安慶緒於相州明年
春三月史思明至滏陽屢絕我糧道衆咸
請公簡精銳以擊之交鋒意日思明奔北
于百里之外公反旆而歸煙塵亘天諸將
皆以爲賊軍大至遂南渡黃河公至則無
見矣西歸于太原是年夏五月除范陽節
度使尋代汾陽王爲朔方節度使秋八月
克天下兵馬副元帥以數千騎東巡追兵
馬使張用濟會于汜水用濟獨來上謁公
數其罪而斬之因追都知兵馬使御史大

夫僕固懷恩懷恩中夜馳赴魚貫而前再宿遑至狄毫不敢犯公趣河而東及滑州聞史思明已過河遂迎強旅以至東京移牒留守及官吏等悉皆迴避公獨與麾下趣河陽橋城賊先鋒已下倒愁坂公至石橋命秉燭徐行一夜方達賊望之不敢近思明來至城下請見公已於城上謂之曰我三代無葬地一身必以死國家之患爾爲逆虜我爲王臣義不兩全我若不死於汝手汝必死於我手將士聞之無不激勵相持凡八月思明暴露不敢入東京乾元二年冬十月甲申賊將周贛悉河北之衆萃于河陽城北思明以河南之衆頓于河

南城北之南帝比夾攻表裏受敵公設奇分銳襲其虛而大破贛軍臨陣擒其大將徐瑒王殺獲畧盡贛僅以身免收軍資器械不可勝數思明心悸氣索烟火不舉者三日官軍大振初公以為戰者危事勝負難必每臨陣嘗貯伏突於靴中義不受辱至是登城西向拜舞因歎歎不自勝三軍見之無不淚下三年春正月遷太尉兼中書令其年改元上元冬十一月攻拔懷州擒其僞節度安太清二年春二月統僕固懷恩自河陽趨河清與史思明合戰于邱山屬風雨晦冥王師不利公收合餘卒屯于垣縣遂引過請罪懇讓太尉肅宗不能

建之二月拜開府儀同三司中書令兼河
中尹節度使夏五月十有一日復拜太尉
兼侍中充河南副元帥都知河南淮南淮
西山南東荆南五道節度行營事出鎮臨
淮時史朝儀乘邗山之捷圍逼申安等一
十三州自領精騎圍李岑於宋州公之將
吏皆兇懼議南保揚州公謂之曰臨淮城
池卑陋不堪鎮遏不如徑赴彭城俟其東
寇躡而追之賊可擒也遂趨徐州因召田
神功宴慰與同寢宿以宋州之難告祖道
郊外俾先飲以寵之分麾下隸於其將喬
岫仍令兵馬使郝庭玉與岫犄角而擊之
賊遂一戰而走使來告捷公已屈指俟報

俄而吉語至焉今上登極寶應元年夏五
月進封臨淮郡王廣德元年秋七月加實
封三百戶通前後凡二千戶賜鐵券名藏
大廟仍圖盈於凌煙閣冬十一月上在陝
州以公兼東都留守制書未下久待命於
徐州將赴東都屬疾痢增劇公知不起使
使賚表奉辭廣德二年秋七月五日己亥
薨于徐州之官舍初將吏等問以後事公
曰吾父在京中不得就養今為不孝子矣
夫復何言哉因取已封布絹各三千疋錢
三千貫鬻麥以分遺將士衆皆感痛不自
勝及公云亡遂以其柩為公製服庚申哀
問至上都上痛悼之輟朝三日太夫人一

勸而絕終夕方蘇上使開府魚朝恩就宅
敦諭京兆尹第五琦監護喪事九月己未
追贈太保十二月太常議行謚曰武穆夫
人薛國夫人太原王氏裒長子太僕卿義
忠並先公而逝次曰太府少卿太僕卿象
殿中丞彙等皆保家克荷備聞詩礼無忝
燕翼過庭之訓冬十一月二十七日庚申
泣而咨于王母虔窆公于富平縣先塋之
東礼也於戲公以南吉文武之姿兼樊仲
將明之德王國及難羣胡搆紛藉朔方偏
師之旅入井陘不測之地思明挫銳於恒
定祿山側息絕望於江淮守太原而地道
設音保河陽而雲梯罔冀破周贄於温沈

高太清於覃懷走史朝義叛渙之衆於梁
宋救僕固瑒已危之軍於瀛莫比旨意出事
外虜墜計中天下無贅旒之患此皆公之
力也公兄遵宜遵行仕至將軍裒弟光琰
並不幸早世次曰光顏特進鴻臚卿皆有
才畧見稱時輩季曰光進

三太子

太保兼御史大夫渭北節度使涼國公清
識表微沉謀絕衆剛亦不吐柔而能立與
公並時仗鉞分闡凌霄翼聖既有戴天之
功華原統帥獨聞禁暴之德方當會同正
至榮耀君親入侍黼帷峨二貂乎泰階之
上歸聯綵服頓雙節於高高堂之下斯勸
未遺恨何居昔斛律丞相與弟并州同

務烈於北齊拔行臺與兄荊州亦宣力於
西魏咸稱義烈各懋勲庸而風樹寂寥偏
隅隘陋比之我族事則不作真卿昔守平
原因於兇羯繫公蒞止獲保餘生束帶與
君空想北平之禮操觚論撰敢墜中郎之
辭銘曰羯胡猖狂傲擾皇綱降生臨淮佐
我興王維此臨淮萬夫之望爰初發迹罔
或弗臧出入忠孝人倫激昂其心鐵石其
行圭璋天寶末造河朔恇懷天子命公經
營冀方沙河嘉山我伐用張思明掃節祿
山震惶潼關勿帥醜虜其亡肅宗有命大
鹵于襄應變如神兇徒靡亢介珪入觀台
座用光俾公東征北國是皇長圍鄴下望
入河陽擒斬渠魁霆擊龍驤淮濱鎮定徐
上翻翔田蠖屈料塲鷹揚不有神筭疇戡
暴強弟兄同時秉鉞煌煌方期凱旋雙映
旗常晨趨法座夕慶高堂如何不辰愆此
百祥素輻反葬白驥跼箱簫鼓悲鳴羽儀
分行萬乘致祭千官送喪生榮死哀身歿
名揚渭水川上壇山路旁唯餘豐碑突兀
連崗往來必拜萬古沾裳

顏魯公文集

卷之五

碑

錫山安國刊

河南府參軍贈秘書丞郭君神道
碑銘 并序

夫騏驥千里之足陪於庭唐之內鴻鵠四海之志於墜滲之羽此個儻奇偉之士所為嘆息者也取之於人在於郭君矣君諱揆字良宰太原人也郭本魏叔之後春秋襄漢細侯得政事之美有道冠人倫之目素絲作詠青溪招隱信為多士宜稱盛族五代祖昶隋驃騎大將軍開府儀同三

司高祖澄皇朝朔方道大總管涇鄜坊慶
丹延夏七州刺史贈荊州都督謚曰忠魯
祖朝散大夫太子洗馬祖義朝議大夫
贈鄭州刺史父虛已銀青光祿大夫守工
部尚書兼御史大夫蜀郡大都督府長史
持節充劍南節度度支營田副大使本道
并山南西道採訪處置使上柱國贈太子
太師謚曰獻君生而聰明不為戲弄之事
長而清峻罔雜綺紈之流辯對則江夏之
童志意則山東之妙大夫府君以其子氏
之出故幼名封奴嘉有應務之器故長字
良宰蓋取待封宰割之義也觀其言必顧
行動必由禮讀書不取其糟粕為仁罕忘

於造次亦足以保其嘉名楚之正則漢之
臺卿乃其比也年十七崇文生明經及第
侍郎韋陟揚言於朝稱其稽古之力許其
青真之價後調集侍郎李彭年嗟君所判
足冠後生擢才子於公庭賀大夫於私第
美声洋溢時莫與京授太常寺太祝加敬
莅事陳信正辭每巡陵及郊必有歌詠潘
河陽籍田之賦顏光祿明祀之作復見前
賢之致矣無何改授河南府參軍天寶五
載大夫總度瀘之師繫君奉循陔之養南
中汚下遂得氣疾先大夫憐其浸劇命訪
秦鑿大夫入懼其不起繼自蜀至何神不
禱靡藥不嘗依親自強望父增歎以天寶

八載二月十八日終於安興之私第時年
二十四皇帝聞而悼之贈祕書丞嗚呼斯
人不起子丕未識亦可爲長慟者矣君子
曰夫孝弟之至潔矩之道文章之絕周旋
之儀可謂成人矣方將培雄風罩白石憐
乎得二幾乎第一是以其疾即御醫坐門
其亡即天使歸贈陳師境上推以雨露之
私修文地下贈以蓬萊之職弔客冬其文
行操誅及於作者以五月二十一日葬于
首陽鄉大塋之側君志也先大夫懿其天
姿親疏行狀叙其參玄之美歎其老成之
風方崇南峴之碑以慰西門之感伏酒受
遇爲人父也若斯祈奚至公其知子也如

此斯文未建頽山遂及太夫人東海于氏
凌虛墜翼開緘悼心望汝絕歸來之期抱
孫有無時之哭遂成刊刻之意以寄零落
之哀銘曰

粲粲門子菲菲國香家傳玉樹人詠金相
風流小褚才貌潘郎一經自造六義名揚
聞于密啓寘此周行爲子道備從親路長
既銘絕壁亦奉垂堂霧露成病膏肓遂亡
天向京兆墳埽洛陽江堙初流水毀寒霜
茫茫蔓草蕭蕭白楊苦月墳上豐碑道傍
披文相質誰不沾裳

右武衛將軍贈工部尚書上柱國
上蔡縣開國侯滅公神道碑銘

公諱懷恪字貞節東莞人其先出于魯孝
公之子彊字子臧大夫不得祖諸侯其孫
以王父字為氏僖哀二伯既納忠於魚豢
文武兩仲亦不朽於言哲丈人成功而遁
迹子原抗節而捨生義和辭金飾之器榮
緒奮陽秋之筆賈逵繼軌紛綸至今曾祖
滿隋驃騎將軍祖龍皇通議大夫靈州都
督府長史父善德朝散大夫贈銀州刺史
威務遠圖克開厥後恤胤之慶世祀宜哉
公即銀州之第三子也身長六尺一寸眉
目雄朗鬚髯灑秀雅善騎射尤工尺牘沉
靜少言寬仁得衆奇謀冲魏英勇冠倫友
于弟兄謹介鄉黨每敦詩而執禮不苟柔

以吐剛蒞事而剖判泉流臨戎而智略鋒
起古所謂文武不墜高明有融者焉少以
勲勞亟紆戎級開元初嘗遊平盧屬奚室
韋大下公挺身與戰所向摧靡繇是發名
玄宗聞而嘉之拜勝州都督府長史銳精
佐理絜矩當官朔漠不空邊隅用人俄拜
左衛率府左郎將轉右領軍中郎將兼安
北都護中受降城使朔方五城都知兵馬
使戎事齊足十萬維羣我伐用張軍威以
肅由是深為節度使王峻所器奏充都知
兵馬使嘗以百五十騎遇突厥斬啜八部
落十萬餘眾於狼頭山殺其數百人引身
據高環馬禦外虜矢如雨公徒且殲遽而

給之曰我為臧懷恪勅令和汝何得與我拒戰于時僕固懷恩父設之適在其中獨遮護之諸部落持疑不肯公割羊以盟之仗義以責之衆皆感激由此獲免遂與設之部落二千帳來歸後充河西軍前將盤禾安氏有馬千駟怙富不虔一族三人立皆毆斃軍州悚慄疇敢不祗仰為節度相國蕭嵩所賞後充河源軍使兼隴右節度副大使關西兵馬使拜右武衛將軍吐蕃不敢東向者累年俄封上蔡縣開國侯開元十二年歲次甲子春二月二十有六三薨于鄴城之官舍享年五十有六其年八月二十三日詔曰故具官某頃以幹能丞

承任使操行逾謹勞效未酬不幸遷殂良增追悼可贈右領軍衛大將軍即以其年冬十月庚戌迁窆于京兆府三原縣北原礼也嗚呼公兄左羽林軍大將軍平盧副持節懷亮以方虎之材膺爪牙之任孔懷斯切致美則深七子游擊將軍崇仁府折衝希崇豐州別駕贈宋州刺史希相左武衛將軍朔方節度副使贈太子賓客希忱右衛左郎將劍南討擊副使贈汝州刺史希愔右驍衛郎將靜邊軍使贈祕書監希景寧州刺史左金吾衛將軍贈揚州大都督希晏開府儀同三司行太子詹事兼御史大夫邠寧山南觀察使集賢待制工部

尚書渭北節度使魯國公希讓等夙漸詩
禮恭承教義芬潤挺蘭玉之姿英威奮
纓纈之質而希讓識度弘遠器謀沉邃
仁親以孝毀國以忠綽裕冠於人倫勳
勞懋於王室至德中今上爲元帥東伐
肇允押牙從收兩京陟降左右入侍帷
幄既崇翼戴之功出擁麾幢載叶澄清
之寄加以篤睦羣從糾綏宗族吉凶瞻
恤終始無渝行道之人孰不嗟尚肅宗
以公有謀翼之勤乾元二年春三月贈
魏州刺史寶應元年冬十月又贈太常
卿廣德元年冬十月詔曰孝以立身可
揚名於後世忠能事主故追榮而及親
開府儀同三司兼御史大夫元

帥都虞候魯國公臧希讓亡父贈太常卿
懷恪業茂勳賢地華簪紱佩忠信而行
已包禮樂以資身守節安卑幽貞自處
養蒙全正聲利不營雖與善無徵促齡
悲歎逝畧而積善垂裕餘慶光於後昆
故得業濟艱難功參締構出有藩條之
寄入及瓜牙之任位以德迂禮宜加等
父由子貴贈合超倫宜登八座之祭式
慰九原之路又贈工部尚書褒異之典
於斯爲盛臧氏自驃騎而下世以材雄
朔陞尚書既還特以功懋當代兄弟子
姓勳賢間出自大寶距于開元乘朱輪
而拖珪組者數百人迨于今茲繁衍彌
熾縮軍州而握兵要者相望國

都 有 後 之 慶 固 殊 異 於 他 族 者 矣 真 鄉 早
歲 與 公 兄 子 謙 為 田 蘇 之 游 敦 伯 仲 之 契
晚 從 大 夫 之 後 每 接 嘗 寮 之 歡 故 公 之 世
家 竊 備 見 聞 敢 述 遺 烈 將 無 媿 辭 銘 曰
魯 史 褒 者 臧 孫 有 之 陳 魚 則 諫 納 異 以 規
歿 貴 言 立 時 稱 聖 為 仁 昭 典 墳 智 叶 耆 龜
世 濟 忠 肅 光 光 羽 儀 以 至 夫 公 英 明 雄 毅
鶚 視 騰 彩 龍 驤 作 氣 鋒 淬 霜 稜 妙 窮 金 匱
謀 猷 泉 寫 翰 墨 風 駛 儒 勇 是 兼 勳 庸 以 位
介 馳 戎 馬 猛 奮 虓 虎 絕 漠 援 孤 連 兵 戰 苦
萬 虜 鳴 鏑 紛 紛 如 雨 一 身 抗 詞 諤 諤 連 柱
精 貫 雲 日 氣 雄 鉦 鼓 狄 人 義 激 僕 固 誠 全
眇 漫 窮 裔 隨 降 幾 千 野 靜 沙 雪 風 恬 塞 煙

我 騎 如 雲 我 旗 連 天 救 無 南 向 凱 有 北 旋
天 子 休 之 命 侯 開 國 謂 福 而 壽 康 衢 騁 力
奚 令 之 邇 幽 局 是 即 十 城 玉 折 萬 里 鵬 息
陣 雲 蒼 蒼 日 暮 無 色 令 人 趨 奉 天 眷 孔 明
九 原 不 作 八 座 哀 榮 勇 烈 徽 範 芳 時 懿 名
里 成 冠 蓋 族 茂 簪 纓 萬 古 千 祀 瞻 言 涕 零

東莞臧氏紉宗碑銘 并序

德 有 三 孝 弟 稱 其 至 常 有 五 仁 道 原 其 終
故 興 化 所 則 曰 侯 其 在 矣 死 喪 相 恤 疇
能 莫 鵲 鴿 於 焉 譬 急 難 常 棟 所 以

勗 跌 萼 紉 宗 綏 族 所 貴 因 誰 其 庶 乎 吾
見 之 於 臧 氏 矣 伯 禽 國 魯 公 子 氏
驅 魚 賂 大 諫 於 僖 哀 言 聖 兩 垂 於 文 武 朗

陵會吳而滅蜀東郡感張而絕袁建義而
辭器歸高奮筆而陽秋興直賢明之盛今
古莫崇積慶所鍾克生隋驃騎將軍府君
諱滿滿生皇朝通議大夫靈州都督府長
史府君諱寵寵生銀青光祿大夫銀州刺
史贈太子少師諱善德咸懷忠良克續徽
烈古稱有後今見其然少師生三子曰右
武衛將軍贈幽州大都督

懷慶冠

軍左羽林大將軍兼營府都督御史中丞
充平盧節度採訪兩蕃使懷亮河源軍使
安北都護右領軍將軍上柱國上蔡縣開
國侯累贈太常卿魏州刺史工部尚書懷
恪皆行

才兼文武並時迭將爲

國虎臣朔漠之間峻風斯在其功庸志業
各具三原縣先^聖神道碑懷慶五子曰左
金吾中郎將范陽節度經略副使希古右
威衛將軍中受降城使希真殿中監朔方
經略副使希賓原州長史監牧副使希拙
銀青北平太守仍充軍使希逸懷亮五子
曰勝州都督朔方節度副使敬廉金紫文
安太守范陽節度副使希莊左清道率幽
州經畧副使敬之太常卿特進武州刺史
今上元帥都知兵馬使讓左監門將軍敬
此懷恪七子曰右衛中郎將贈州刺史
希崇豐州別駕贈宋州刺史希昶左驍衛
中郎將贈太子賓客希忱忠武將軍贈汝

州刺史希情壯武將軍左威衛中郎將贈
祕書監希景雲麾麟寧三州刺史左金吾
將軍左街使贈揚州大都督希晏魯國公
希讓並稟訓義方丕崇閎閱遭逢明盛備
展材良能挺矯瀾之姿
舉蘊韜鈴
之畧檢縱攸資糝蘭玉而輝映階庭畫隼
熊而光聯旗軼勳庸之盛當
源

長流深德盛祀遠開元天寶間宗族之紆
青紫佐麾幢者已數十百人迨乎今上當
寧而諸孫冠軍左羽林將軍贈太子詹事
彥英忠武左清道率瑗左清道率則少府
監彥佺金紫太僕卿涉特進殿中監玠左
金吾大將軍彥璟正議湖州長史隨並不

幸早世銀青隸州刺史瑜特進殿中監慈
州刺史瑀特進鴻臚卿均特進太常卿彥
昭開府太常卿彥暉正議杭州別駕巽銀
青鴻臚少卿渙鴻臚卿頤朝散明州長史
叔獻少府監楚卿朝散台州司馬晉卿朝
散洋州司馬叔雅符寶郎齊卿涇陽縣
雲卿左金吾衛長卿千牛叔卿京兆府參
軍叔清

容州都督兼御史中丞本管經略
使元君表墓碑銘

嗚呼可惜哉元君君諱結字次山皇家忠
烈義激文武之直清臣也蓋後魏昭成皇
帝孫曰常山王遵之十二代孫自遵七葉

王公相繼著在惇史高祖善禕皇朝尚書
都官郎中常山郡公曾祖仁基朝請大夫
襲信令襲常山公祖利貞唐書柳貞昭霍王
府參軍隨鎮改襄州父延祖清淨恬儉歷
魏城主簿延唐丞思閑輒自引去以魯縣
商餘山多靈藥遂家焉及終門人謚曰太
先生寶應元年追贈左贊善大夫君聰悟
宏達侗儻而不羈十七始知書乃受學于
宗兄德秀常著說楚賦三篇中行子蘇源
明駭之曰子君今而作真淳之語難哉然
世自澆浮何傷元子天宝十二載舉進士
作文編禮部侍郎陽浚曰一第汗元子耳
有司得元子是賴遂登高科及羯胡首亂

逃難于猗玕洞因招集鄰里二百餘家奔
襄陽玄宗異而徵之值君移居讓溪乃寢
乾元二年李光弼拒史思明於河陽肅宗
欲幸河東聞君有謀略虛懷召問君悉陳
兵勢獻時議三篇上大悅曰卿果破朕憂
遂停乃拜君右金吾兵曹攝監察御史充
山南東道節度參謀仍於唐鄧汝蔡等州
拓輯義軍山棚高晃等率五千餘人一特
歸附大墜賊境於是思明挫銳不致南侵
前是泌南戰士積骨者君悉收瘞刻石立
表命之曰哀立將吏感焉無不勇勳至書
頻降威望日隆時張瑾殺史翽於襄州遣
使請罪君爲聞奏特蒙嘉納乃真拜君監

察仍授部將張遠 田瀛等十數人將軍
屬荆南有專殺者呂諲為節度使諲醉以
無兵上曰元結有兵在泌陽乃拜君水部
員外郎兼殿中侍御史充諲節度判官君
起家十月超拜至此時論榮之屬道士申
泰芝誣湖南防禦使龐承昇謀反并判官
吳子宜等皆被決殺推官嚴郢坐流伴君
按覆君建明承昇獲免者百餘家及諲卒
淮西節度使王仲昇為賊所擒裴茂與來
瑱交惡遠近危懼莫敢 君知節度觀
察使事經八月境內晏然今上登極節度
使留後者例加封邑君遜讓不授遂歸養
親特蒙褒獎乃拜著作郎遂家于武昌之

樊口著自釋以見意其畧曰少習靜于商
餘山著元子十卷兵起逃难于猗玗洞著
猗玗子二篇將家瀼濱乃自稱浪士著浪
說七篇及為郎時人以浪者亦漫為官乎
遂見呼為漫郎著漫記七篇及家樊上漁
者戲謂之聲叟歲餘上以君君貧起家為
道州刺史州為西原賊所陷人十無一戶
纔滿千君下車行古人之政二年間歸者
萬餘家賊亦懷不敢來犯既受代百姓
詣闕請立生祠仍乞再留觀察使奏課第
一轉容府都督兼侍御史本管經畧使仍
請禮部侍郎張謂作甘棠以美之容府自
艱虞以來所管皆固拒山谷君單軍入洞

親自撫諭六旬而收復八州丁陳郡太夫人憂百姓詣使請留大曆四年夏四月拜左金吾衛將軍兼御史中丞管使如故君矢死陳乞者再三優詔褒許七年正月朝京師上深禮重方加位秩不幸遇疾中使臨問者相望夏四月庚午薨于永崇坊之旅館春秋五十朝野震悼焉二子以明能世其業名雖著而官未立以其年冬十一月壬寅虔葬君于魯山青嶺泉陂原祀也嗚呼君其心古其行古其言古躬是三者而身重於今雖擁旌麾幢揔戎於五嶺之下彌綸秉憲越於九天之上不為不遇然以君之才之德之美竟不得專政方面登

翼太階而感激不為之太息也君雅好山水聞有勝絕未嘗不枉路登覽而銘贊之感中行見知之恩及亡至今分宅以恤其子其不偷也多此類中書舍人楊炎常袞皆作碑誌以抒君之志業故吏大曆令劉袞江華令瞿令問故將張蕭趙溫張協王進等感念舊恩送哭以終喪竭資鬻石願垂美以述誠真卿不敏常忝次山風義之末尚存盡往敢廢無媿之辭銘曰

次山斌斌王之蓋臣義烈剛勁忠和儉勤炳文華國孔武寧屯率性方直秉心真純見危不撓臨難遺身允全德兮之古人柰何清賢素志莫申羣士立表垂聲不泯

顏魯公文集卷五終

顏魯公文集之卷五終



